

疆
屯
遺
書

疆屯遺書

滄海遺音集總目

曼陀羅寢詞一卷

嘉興沈曾植子培

香草亭詞一卷

祥符裴維俊韻珊

郢雲詞一卷

咸陽李岳瑞孟符

蟄庵詞一卷

揭陽曾習經剛甫

悔龕詞一卷

江陰夏孫桐閨枝

淩波詞一卷

吳曹元忠君直

遯庵樂府一卷

錢塘張爾田孟劬

觀堂長短句一卷

海甯王國維靜安

海綃詞二卷

附海綃說詞一卷

新會陳洵述叔

回風堂詞一卷

慈谿馮開君木

舊月簪詞一卷

蘄水陳曾壽仁先

附錄

款紅慶詞一卷

番禺梁鼎芬節庵

右彊邨先生手輯滄海遺音集十一家

寫定待刻而先生下世

沐勛

承遺命爲

補刊逾年而書成既遵遺旨爲編目如

次而深痛先生之不及見也先生既瘁

二十年精力校輯唐宋金元人詞百數

十家爲彊邨叢書旋有彙刊朋舊詞集

之議閱時三載恒手自校錄蟄庵一集
積至四五通旣以氣體就衰乃亟取所
獲付梓人冀得及身親見不料方成三
種而疾不可爲彌留之際獨含淚以此
相屬其篤舊之誼爲何如也先生嘗語
沐勛茲集體例一以昔同游處而國變
後不復從政者爲歸其或集已刊行暫
從割捨故別目如臨桂況周頤夔笙武
陵陳銳伯弢榮趙熙堯生順德麥孟華
孺博南海潘之博若海諸家皆不及收

人又有德清俞陞雲階青宜興蔣兆蘭
香谷二氏則存目待訪以此知先生之
意所欲彙刊者蓋猶有所未逮也先生
歿數月而葉君遐庵訪得梁氏款紅麈
詞先生與梁素契合恒稱道其詞惜不
及一爲刪訂遐庵旣別爲刊出因并附
印於後他日擬取先生別目所載與搜
采未及者彙爲續編焉癸酉春中龍沐
勛謹記

曼陀羅寐詞

陳曾壽謹題

歐陽臨齋

曼陀羅寢詞序

吳興公以鴻碩廣攬負斯文之寄於貞元絕
續之交延祖宗養士之澤者且十餘年生平
著述等身所爲詞手定者凡四彊邨翁旣彙
而存之矣復選而錄入滄海遺音中公子慈
護以序來屬嗚呼余又何敢爲公詞序也憶
曩客滬上登海日樓謁公於燕座公手一卷
詞曰生平之志與業具於是子其爲我定諸
余旣退而卒業乃復於公曰古人稱意內言
外謂之詞夫瓊樓玉宇煙柳斜陽常語耳神

宗以爲忠而壽皇以爲怨五季割據韋端已
獨抱思唐之悲馮正中身仕偏朝知時不可
爲所爲蜨戀花諸闋幽咽恂恍如醉如迷此
皆賢人君子不得志發憤之所爲作也公之
詞將毋類是公笑曰有是哉子之能知吾詞
也然而見其表未見其裏也公自鼎革龍蟠
黃海複壁柳車雜賓盈室宣光綸旅之望老
而益堅故辛壬以後詞蒼涼激楚又過前編
彼婦之嗟狡童之痛如諷九辯如奏五噫託
興於一事一物之微而燭照數計乃在千里

之外至其不可吳言者則譎言之不能法語
者則垂涕泗而道之合騷卒於一冶喻鵬鯤
於一指陸放翁之掉書袋元遺山之嗜金頭
大鵝又未可一二盡狀也今公往矣復讀公
詞猶前日事嗚呼余又何敢序公之詞也雖
然公之精神在帝左右公之詞且如列星二
十八宿環北辰而無極昔謝疊山謁稼軒祠
自昏暮至三更聞有疾聲大呼若嗚其不平
者然吾又安知夫異日者南泛扶胥之口北
陟醫巫閭之巔不且有德音發於空閒鏗鏘

鏗鐫與天風海濤相應和者余雖不敢序公
詞而又何忍以舛陋辭也因書之以復於慈
護且以諗天下後世之讀公詞者壬申夏五
張爾田

自序

九年立憲之詔下而乾坤之毀一成而不可變沈子於是更號曰睡翁不忍見不能醒也而所聞於古人所謂緩得一分百姓受一分益者晨夕往來於胷臆又時時念遜荒古訓自號曰遜齋緩之而不可得強以所不欲爲而不能太息請解職不遂而仍不免搥牀頓足揚眉眴目之責睡與遜兩不稱矣清宵白月平旦高樓古事今情國圖身遇芒芒然惆悵然瞿瞿盱盱然若有言若不敢言夫其

不可正言者猶將可微言之不可莊語者猶將以譎語之不可以顯譬者猶將隱譬之微以合譎以文隱以辨莫詞若矣張皋文氏董晉卿氏之說沈子所夙習也心於詞形形色色無非詞有感則書之書已棄之不忍更視也越一歲而世變飄搖羈旅久忘之矣丁巳春兒子檢敝簏得之寫出之屏諸案几猶不忍視也戊午移居復見之乃署其端曰僂詞如彼遡風亦孔之僂民有肅心拜云不逮其當日情事耶次其年其事可見然終不忍次

非諱也悲未錫也戊午十一月谷隱居士
先君詞稿手定者四種曰優詞曰海日樓
餘音曰東軒語業曰曼陀羅窠詞經朱古
微丈刪定統題爲曼陀羅窠詞旣而丈輯
滄海遺音於先君詞又稍有所去取頗從
篋中檢得優詞序爲先君手蹟雖序僅一
種而先君爲詞大旨略具於是爰重錄併
刻卷端男頌謹記

一、
 中、
 會、
 大、
 東、
 式、
 其

曼陀羅窠詞

嘉興沈曾植子培

攤破浣溪沙

春盡啼鶉淚滿枝
同功雙繭不成絲
殘月一鉤殘夜影
佛低眉
天醉儘饒秦夢好
雨來還作楚宮疑
長恁蝶喧蜂繞去
幾何時

霜葉飛

秋花更比秋心碎
簾波一桁香沁
木蘭小綻
曼陀羅耐露香
風韻蓮漏轉
玉階人影
玉妃攬鏡
天中暈
太液起滄波
問何處歌闌舞罷